



02
17207

Broj: 17-interno/21-
Ilidža, 17.09.2021.godine

SAGLASNOST:
Općinski načelnik
Nermin Muzur, magistar uprave



OPĆINSKI NAČELNIK

PREDMET: Davanje saglasnosti Općinskog načelnika na materijal za sjednicu Općinskog vijeća


U prilogu Vam dostavljamo materijal koji je izradila Stručna služba za poslove Općinskog vijeća kako bi na isti dali svoju saglasnost i to:

Prijedlog Odluke o objavljivanju javnog oglasa za imenovanje jednog člana Općinske izborne komisije.

Izradila: Alma Rapa



Kontrolisala: Azreta Grebović



PO OVLAŠTENJU
OPĆINSKOG NAČELNIK
Azreta Grebović, dipl.pravnik



DOSTAVLJENO:

1. Naslovu
2. a/a



13971 01

Postupanje OV/GV i SO/SG prilikom razrješenja i imenovanja članova OIK/GIK



Uma Isic

Jučer, 20:16

Mail OIK; Ermin Kos; Marijana Zuljevic; Veljko Petrovic; Mustafa Lakov

Razrjesenje i imenovanj...

159 KB

Preuzimanje

Poštovani,

u prilogu je akt Centralne izborna komisija BiH, broj: 06-1-07-1-1085-1/21 od 15.07.2021. godine, koji se odnosi na pravilno postupanje općinskih/gradskih vijeće prilikom razrješenja i imenovanja članova izbornih komisija.

Potrebno je da navedeni akt odštampate i dostavite vašem općinskom/gradskom vijeću odnosno skupštino općine/grada **najkasnije do 23.07.2021. godine, te** o izvršenom uručanju dostavite povratnu informaciju na e-mail: uma.isic@izbori.ba.

S poštovanjem,

Uma Isić

Stručna savjetnica za rad sa izbornim komisijama i centrima za birački spisak

Centralna izborna komisija BiH

Danijela Ozme 7

Sarajevo

Tel. 033/251-342

19-07-2021

Stanković Janković
Odgovori svima 1

- DOSTAVITI UVIDEČNICAMA MAILOM
- NA ZNAJENJE U MATERIJALU G. REDOVNE SJEDN
- RAHA ALIJA (ZA KOMISIJU ZA IZBORNE MENOVANJE)



Broj: 06-1-07-1-1085-1/21
Sarajevo, 15.07.2021. godine

**SVIM OPINSKIM/GRADSKIM VIJEĆIMA
I SKUPŠTINAMA OPĆINE/GRADA**

PREDMET: Razrješenje i imenovanje članova izbornih komisija

Centralna izborna komisija BiH je u proteklom periodu (januar – juni 2021. godine) obavijestila općinska/gradska vijeća, odnosno skupštine općine/grada (u daljem tekstu: nadležni organ) o obavezi razrješenja članova kojim je istekao mandat, razrješenja zamjenskih članova i imenovanja članova izbornih komisija, u skladu sa odredbom člana 2.12 stav (5), (6) i (8) Izbornog zakona BiH ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20).

Nadalje, Centralna izborna komisija BiH je utvrdila i brojne nepravilnosti u postupanju nadležnog organa u postupku razrješenja i imenovanja članova izbornih komisija, te s tim u vezi ukazujemo na sljedeće:

1. Nadležni organ razrješava članove izbornih komisija kojim je istekao mandat, u skladu sa odredbom člana 2.4 stav (1) Izbornog zakona BiH, odnosno sedam godina od dana davanja saglasnosti Centralne izborne komisije BiH na akt o imenovanju koji je donio nadležni organ.

2. Odredbom člana 8. stav (1) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini ("Službeni glasnik BiH", br. 29/18 i 36/19) (u daljem tekstu: Uputstvo), propisano je da se javni oglas za imenovanje članova izborne komisije raspisuje u roku od 90 dana prije isteka mandata članova izborne komisije, a u izbornoj godini u roku od 30 dana prije isteka mandata članova izborne komisije.

S tim u vezi, potrebno je okončati proceduru imenovanja novih članova do dana isteka mandata „starim“ članovima izbornih komisija i ne razrješavati ih prije isteka mandata i imenovanja novih članova izbornih komisija.

Dakle, potrebno je osigurati konitunitet rada izbornih komisija i izvršavanje obaveza iz člana 2.13 Izbornog zakona BiH.

3. Zamjenske članove izborne komisije, koje je imenovala Centralna izborna komisija BiH, će ista i razriješiti, nakon što nadležni izvrši imenovanje redovnog člana izborne komisije.

Zamjenskog člana kojeg je imenovao nadležni organ, isti je dužan razriješiti na istoj sjednici kada donosi upravni akt o imenovanju redovnog člana.

4. Prilikom imenovanja članova izbornih komisija potrebno je da je tekst javnog oglasa usklađen sa odredama Izbornog zakona BiH i Uputstva, jer je utvrđeno da nadležni organ često u javni oglas stavlja posebne uslove iz Uputstva koje više nije na snazi. Važeće Uputstvo je dostupno na internet stranici Centralne izborne komisije BiH www.izbori.ba.

Nadalje, javni oglas se raspisuje za članove izborne komisije, a predsjednik izborne komisije se imenuje iz reda članova izborne komisije, nakon što Centralna izborna komisija BiH da saglasnost za imenovanje članove izborne komisije.

5. Također, konkursne komisije koje provode postupak imenovanja članova izbornih komisija moraju postupati po proceduri propisanoj Uputstvom, izvršiti potrebne provjere kandidata, donijeti svoj poslovnik o radu i utvrditi kriterije bodovanja i pitanja koja će biti postavljena kandidatima prilikom intervjua iz oblasti - izbornog zakonodavstva, izborni proces i nadležnosti općinskih/gradskih izbornih komisija, te voditi računa o izbornom iskustvu kandidata.

6. Nadležni organ je prilikom imenovanja članova izborne komisije mora cijeniti rang-listu koju mu, prema utvrđenoj proceduri iz člana 7. stav (1) tačka c) Uputstva dostavlja konkursna komisija, pa u slučaju da se ne slaže sa prijedlogom konkursne komisije treba dati adekvatno obrazloženje. U suprotnom bi se izgubila svrha obavljanja intervjua koji je propisan odredbom člana 7. stav (1) tačka c) Uputstva i koji u pojedinim situacijama može biti odlučujući kod imenovanja kandidata za članove izborne komisije. Također, stav Suda BiH je da diskreciono pravo nadležnog organa prilikom imenovanja kandidata u izbornu komisiju ne znači da općinsko vijeće imenuje kandidate po svojoj volji, nego mora cijeniti dostavljenu rang-listu kandidata.

7. Prilikom imenovanja članova izbornih komisija nadležni organ je dužan postupati u skladu sa odredbom člana 2.14 stav (1) Izbornog zakona BiH, koja propisuje multietničnost i polnu zastupljenost u sastavu izborne komisije.


8. Da bi Centralna izborna komisija BiH postupila u skladu sa odredbom člana 2.12 stav (5), (6) i (8) Izbornog zakona BiH, potrebno je da nadležni organ, izuzimajući slučajeve u kojim je imenovanje zamjenskih članova izvršila Centralna izborna komisija BiH, dostavi akt o razrješenju članova kojim je istekao mandat, akt o imenovanju novih članova i potpunu dokumentaciju, u skladu sa članom 10. stav (1) navedenog Uputstva, te akt o imenovanju predsjednika izborne komisije (ukoliko je nadležni organ dužan imenovati samo predsjednika izborne komisije iz reda članova izborne komisije), odmah po izvršenom razrješenju/imenovanju, na adresu: Centralna izborna komisija BiH, Danijela Ozme 7, 71000 Sarajevo.

Za dodatne informacije možete kontaktirati Centralnu izbornu komisiju BiH, putem telefona 033/251-342.

S poštovanjem,

Dostavljeno:

- Naslovu,
- a/a



Predsjednik

Zeljko Bakalar



Broj: 01-02-
Ilidža, _____2021.godine

Na osnovu člana 2.12. stav (5) Izbornog zakona Bosne i Hercegovine („Službeni glasnik Bosne i Hercegovine“, broj 23/01,7/02, 9/02, 20/02, 25/02-ispravka, 4/04, 20/04, 25/05, 52/05, 65/05-ispravka, 77/05, 11/06, 24/06, 32/07, 33/08, 37/08, 32/10, 18/13, 7/14,31/16 i 41/20) i člana 7. a) Uputstva o utvrđivanju kvalifikacija, broja i imenovanju članova izborne komisije osnovne izborne jedinice u BiH - Prečišćeni tekst („Službeni glasnik Bosne i Hercegovine“, broj 29/18, 36/19), Općinsko vijeće Ilidža na . redovnoj sjednici održanoj dana _____.2021.godine, donijelo je

O D L U K U
O OBJAVLJIVANJU JAVNOG OGLASA ZA IMENOVANJE
JEDNOG ČLANA OPĆINSKE IZBORNE KOMISIJE ILIDŽA

I

- (1) Općinsko vijeće Ilidža objavljuje javni oglas za imenovanje jednog člana Općinske izborne komisije Ilidža.
- (2) Člana Općinske izborne komisije imenuje Općinsko vijeće Ilidža uz saglasnost Centralne izborne komisije Bosne i Hercegovine na period od 7 godina, a mandat mu teče od dana davanja saglasnosti Centralne izborne komisije BiH.

II

Kandidat za člana Općinske izborne komisije mora ispunjavati sljedeće opće uslove:

- a) da je lice sa pravom glasa
- b) da je lice sa odgovarajućom stručnom spremom i iskustvom u provedbi izbora.

III

- (1) Pored općih uslova iz tačke II ovog javnog oglasa kandidat za člana Općinske izborne komisije mora ispunjavati i sljedeće posebne uslove:
 - a) da ima prebivalište u Općini Ilidža
 - b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS
 - c) da posjeduje iskustvo u provođenju izbora
- (2) Pod iskustvom u provođenju izbora podrazumijeva se:
 - a) članstvo u izbornoj komisiji
 - b) članstvo u biračkom odboru na izborima obuhvaćenim Izbornim zakonom BiH
- (3) Izuzetno od odredbi iz člana III stav (1) tačka a) posebnih uslova ovog javnog oglasa, član Općinske izborne komisije može biti lice sa prebivalištem iz druge općine, ukoliko nema kandidata sa prebivalištem u općini Ilidža koji ispunjavaju uslove tražene ovim javnim oglasom.
- (4) Izuzetno od odredbi iz člana III stav (1) tačka b) posebnih uslova ovog javnog oglasa, član Općinske izborne komisije može biti lice koje ima VII/1 stepen stručne spreme, završen pravni fakultet, odnosno završen pravni fakultet Bolonjskog sistema studiranja



sa najmanje 180 ETCS, bez izbornog iskustva navedenog u članu III stav (2) ovog javnog oglasa.

- (5) Izuzetno od odredbi iz člana III stav (1) tačka b) posebnih uslova ovog javnog oglasa, član Općinske izborne komisije može biti lice koje ima završenu višu školu, odnosno VI stepen stručne spreme, ukoliko je potrebno ispoštovati odredbe člana 2.14. stav (1) Izbornog zakona BiH ili ukoliko nema kandidata koji ispunjavaju uslove iz člana 2. stav (1) tačka b) ovog oglasa.
- (6) Član izborne komisije ne može biti lice koje obavlja izvršnu funkciju, kako je utvrđeno odredbom člana 1.8. stav (6) Izbornog zakona BiH, odnosno lice koje je na dužnost imenovalo Vijeće ministara BiH, Vlada Federacije BiH, vlada Republike Srpske, kantonalna vlada I općinsko vijeće, odnosno skupština općine.

IV

U skladu sa članom 2.3. i članom 2.12. stav (7) Izbornog zakona BiH za člana Općinske izborne komisije ne može biti imenovano lice:

- a) koje se ne može kandidirati u smislu člana 1.6, 1.7 i 1.7.a) Izbornog zakona BiH
- b) koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora)
- c) koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH
- d) koje je kandidat za izbore za bilo koji nivo vlasti
- e) kojem je izrečena kazna za radnju koja predstavlja težu povredu izbornih zakona ili propisa za koju je lično odgovoran, u posljednje četiri godine, računajući od dana pravosnažnosti odluke
- f) koje je zastupnik odnosno punomoćnik političkog subjekta koji učestvuje na izborima niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže.

V

- (1) Sastav Općinske izborne komisije Iliđža treba biti multietničan i održavati zastupljenost konstitutivnih naroda u općini, uključujući i ostale, a prema posljednjem popisu stanovništva provedenom na državnom nivou.
- (2) U sastavu Općinske izborne komisije osigurati će se zastupljenost spolova u skladu sa Zakonom o ravnopravnosti spolova BiH.

VI

Kandidati su dužni po ovom javnom oglasu priložiti original ili ovjerenu fotokopiju slijedeće dokumentacije:

- prijava na javni oglas za imenovanje jednog člana Općinske izborne komisije Iliđža (*obrazac prijave na javni oglas za imenovanje jednog člana Općinske izborne komisije Iliđža koji je sastavni dio ovog javnog oglasa, kandidati mogu dobiti u zgradi Općine Iliđža - ulica Butmirska cesta broj 12, kao i na WEB stranici Općine www.opcinailidza.ba*)
- diploma o završenom fakultetu, odnosno višoj školi
- obrazac PBA-3 o prebivalištu kandidata (ne stariji od tri mjeseca od dana izdavanja od strane nadležnog organa)
- dokaz o potrebnom iskustvu u provođenju izbora (ovjerena kopija ili izvod iz službenog glasila akta o imenovanju za člana izborne komisije, potvrda nadležne izborne komisije o imenovanju i radu u biračkom odboru u kojem je imenovani kandidat bio člana biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost)



- svojeručno potpisana i od nadležnog organa ovjerena izjava o nacionalnom izjašnjenju kandidata sa posljednjeg popisa stanovništva u BiH
- svojeručno potpisana i od nadležnog organa ovjerena izjava o nepostojanju smetnji iz člana 2.3 i člana 2.12 stav (7) Izbornog zakona BiH.
- svojeručno potpisana i od nadležnog organa ovjerena izjava kandidata da nije osoba koju je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko vijeće/ skupština općine.

VII

Zadužuje se Komisija za izbor, imenovanja i pitanje ravnopravnosti spolova da u skladu sa važećim Upuštvom Centralne izborne komisije BiH o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini provede propisanu procedure po ovom javnom oglasu .

Po zatvaranju ovog javnog oglasa Komisija Općinskog vijeća za izbor, imenovanja i pitanja ravnopravnosti spolova (u daljem tekstu: Komisija) podnosi Izvještaj Općinskom vijeću o provođenju postupka izbora jednog člana Općinske izborne komisije, u kojem navodi sve relevantne podatke za svaku osobu koja se prijavila na ovaj javni oglas.

U navedenom Izvještaju Komisija vrši klasifikaciju kandidata na one koji ispunjavaju uslove tražene ovim javnim oglasom i na one koji ne ispunjavaju uslove, uz obrazloženje.

Sa kandidatima koji ispunjavaju uslove ovog javnog oglasa Komisija obavlja intervju i sačinjava rang listu sa redoslijedom kandidata prema uspjehu (ukupnom broju bodova) postignutom na intervju i istu dostavlja Općinskom vijeću.

Općinsko vijeće cijeneći položaj kandidata na dostavljenoj rang listi donosi rješenje o imenovanju člana Općinske izborne komisije Iliđža koje se dostavlja sa potrebnom dokumentacijom na saglasnost Centralnoj izbornoj komisiji BiH u skladu sa članom 10. Uputstva o utvrđivanju kvalifikacija, broja i imenovanju članova izborne komisije osnovne izborne jedinice u BiH - Prečišćeni tekst („Službeni glasnik Bosne i Hercegovine“, broj 29/18, 36/19).

Napomena: kandidati koji budu pozvani na intervju dužni su komisiji dati na uvid važeći identifikacioni dokument (lična karta, vozačka dozvola ili pasoš).

VIII

Ovaj javni oglas objavit će se u dnevnom listu „Dnevni avaz“ i WEB stranici Općine.

IX

Rok za podnošenje prijave je osam dana od dana objavljivanja u dnevnom listu „Dnevni avaz“

X

Prijave na javni oglas sa potrebnim dokumentima dostavljaju se u zatvorenoj koverti na protokol Općine Iliđža ili putem preporučene pošte na adresu:

Općina Iliđža – Općinsko vijeće Iliđža – Komisija za izbor, imenovanja i pitanja ravnopravnosti spolova

Ulica Butmirska cesta broj 12, Iliđža

Uz naznaku „Prijava na javni oglas za imenovanje jednog člana Općinske izborne komisije Iliđža - NE OTVARATI“.

Nepotpune i neblagovremene prijave neće se uzeti u razmatranje.

Za sve dodatne informacije možete se obratiti Stručnoj službi za poslove Općinskog vijeća na telefon broj 033 775-792.

PREDSJEDAVAJUĆI

Tarik Stambolić, magistar poslovnog prava





OBRAZAC PRIJAVE

(Ime i prezime)

(Adresa – kontakt telefon i mail adresa)

PREDMET: Prijava na Javni oglas za imenovanje jednog člana
Općinske izborne komisije Ilidža

Prijavljujem se na Javni oglas za imenovanje jednog člana Općinske izborne komisije Ilidža,
objavljen dana _____ u dnevnom listu „Dnevni avaz“

i o sebi dajem slijedeće podatke:

Rođen-a _____ godine u _____ Općina _____

stepen stručne spreme _____, zanimanje _____ zaposlen-a

u _____ na poslovima _____

_____ .

Kraća biografija:

Podnosilac prijave

PRILOG: Potrebna dokumentacija



Obrazloženje

Pravni osnov

Pravni osnov za donošenje navedene odluke je član 2.12. stav (5) Izbornog zakona BiH kojim je propisano da članove Općinske izborne komisije imenuje Općinsko vijeće uz saglasnost Centralne izborne komisije BiH, a na osnovu javnog oglasa po proceduri koju utvrđuje Centralna izborna komisija BiH posebnim propisom.

Centralna izborna komisija je u skladu sa naprijed navedenom odredbom Izbornog zakona BiH, kao poseban propis, donijela Uputstvo o utvrđivanju kvalifikacija, broja i imenovanju članova izborne komisije osnovne izborne jedinice u BiH, i na osnovu člana 7.a) navedenog Uputstva, Općinsko vijeće donosi Odluku o objavljivanju javnog oglasa za imenovanje člana (članova) izborne komisije.

Razlozi za donošenje

U skladu sa Odlukom o broju članova izborne komisije osnovne izborne jedinice u Bosni i Hercegovini ("Službeni glasnik BiH", br. 6/14, 87/14, 69/15) utvrđeno je da Općinska izborna komisija Iliđža broji 7 članova i da je mandat članova Općinske izborne komisije 7 godina. Članovi Općinske izborne komisije Iliđža su :

R/B	IME I PREZIME		MANDAT TEČE OD	SNKS
1	DINO MULAOSMANOVIĆ	predsjednik	11.12.2014.godine	53/14
2	DRAGAN KAPOR	član	21.05.2015.godine	21/15
3	SELMA KAROVIĆ	član	21.05.2015.godine	21/15
4	IBRAN AVDIĆ	član	02.07.2020.godine	27/20
5	AIDA GODINJAK	član	02.07.2020.godine	27/20
6	VANJA MILIDRAG	član	02.07.2020.godine	27/20
7	DARKO RIMAC	član	02.07.2020.godine	27/20

Predsjedniku Općinske izborne komisije Iliđža ističe mandat 11.12.2021.godine i u skladu sa važećim Uputstvom Centralne izborne komisije obaveza Općinskog vijeća je da najkasnije u roku od 90 dana prije isteka mandata donese Odluku o objavljivanju javnog oglasa za imenovanje člana Općinske izborne komisije.

Centralna izborna komisija BiH je dana 19.07.2021.godine dostavila svim općinskim/gradskim vijećima i skupštinama općine/grada (akt br.06-1-07-1-1085-1/21 od 15.07.2021.godine) o postupku razrješenja i imenovanja članova izbornih komisija.

Navedeni akt dostavljen je svim vijećnicima mailom dana, 19.07.2021.godine, a isti je i sastavni dio obrazloženja ove odluke.

Navedenim aktom Centralne izborne komisije pojašnjen je kompletan postupak razrješenja i imenovanja članova izbornih komisija u skladu sa Uputstvom Centralne izborne komisije BiH o utvrđivanju kvalifikacija, broja, imenovanju i razrješenju i obuci članova izborne komisije osnovne jedinice u BiH ("Službeni glasnik BiH", br.29/18, 36/19).



Obrazloženje pojedinih odredbi odluke

Predložena odluka sadrži sve elemente propisane Izbornim zakonom BiH i važećim Uputstvom Centralne izborne komisije BiH i to opće i posebne uslove koje kandidati moraju ispunjavati, propisane izuzetke, odredbe Izbornog zakona BiH po kojima određena lica ne mogu biti imenovana za članove Općinske izborne komisije, pregled potrebne dokumentacije koji su kandidati dužni uz propisani prijavni obrazac priložiti, obaveze Komisije za izbor, imenovanja i pitanja ravnopravnosti spolova u postupku izrade Izvještaja prema Općinskom vijeću, kao i rok za podnošenje prijave po ovom javnom oglasu i njegovo objavljivanje u dnevnom listu "Dnevni avaz" i WEB stranici Općine.

Imajući u vidu naprijed navedeno predlažemo da Općinsko vijeće donese navedenu odluku u predloženom tekstu.



DOSTAVLJENO:

1. Općinski načelnik
2. Centralna izborna komisija BiH – na znanje
Ul. Danijela Ozme br.7 Sarajevo
3. Služba za opću upravu
4. Stručna služba – Kabinet općinskog načelnika
5. Stručna služba za usklađenost, integritet i kontrolu kvaliteta
6. Evidencija
- 7.a/a





Prijedlog

**O D L U K A
O OBJAVLJIVANJU JAVNOG OGLASA ZA IMENOVANJE JEDNOG ČLANA
OPĆINSKE IZBORNE KOMISIJE ILIDŽA**

Nosilac pripreme materijala:
Stručna služba za poslove Općinskog vijeća

Ilidža, septembar 2021.godine

